



ATROBE CORTE TA RECHASA PETICIONNAN DI MIKE DE MEZA

Awe hues a bolbe rechasa e peticionnan di M.D.M. pa duna Ministerio Publico ordo pa inform'e den detaye tocante e tipo y e motibo di e acusacionnan contra dje, inclusivo e acusacionnan concreto riba cual su supuesto actonan castigabel ta basa, y pa tuma un decision di persecucion penal den su caso pa mas tarda 23 di augustus 2025.

Ya riba 15 di juli 2025 M.D.M. a presenta peticionnan cu tabata

practicamente mescos, y cu despues a wordo rechasa pa hues riba 17 di juli 2025. Siguientemente el a bay den apelacion contra e decision aki. Corte Superior a declara e apelacion inadmisibile riba 8 di augustus 2025, debi cu e abogado nan a entreg'e mucho laat.

Como resultado, e decision di Corte den Prome Instancia di 17 di juli 2025 a bira definitivo.




GOBIERNO AVP FUTURO TA TENE DURO NA MANEHO DI MEP

SERAFINA DEN JET GERLIEN CROES DEN APENAS 120 DIA DI TRABOU E TIN 30 DIA DEN EXTERIOR



CHAUFFEUR BURACHI DETENI DESPUES DI A CAUSA ACCIDENTE CU 2 PERSONA HERIDA NA ROTONDE AIRPORT, E KIER A BANDONA E SITIO!



ENTRENADOR DI IQFOIL TA CONTA UN POCO TOCANTE E PREPERACIONNAN PA ASU2025

KICK-OFF – IV ARUBA FOOD AND BEVERAGE ASSOCIATION JOB FAIR SEPTEMBER 2025, E BIAHA AKI PA PROME BEZ DEN FORMATO VIRTUAL

Aruba Food and Beverage Association (AFBA) ta organisa su 4a edición di Job Fair, y pa e prome bez, e feria lo tuma luga den un formato completamente virtual durante e dianan 24, 25 y 26 di september.

Den e plataforma virtual lo tin dos area pa bishitante: Oportunidad pa Trabou y un Seccion di Informacion y Educacion. Miembronan di AFBA, cu ta consisti di Restaurants, Bars, y miembronan aliado lo tin un stand virtual pa presenta e posicionnan cu ta disponibel. Esnan cu ta busca trabou por registra riba e plataforma, bishita e standnan, y pidi cita. Durante e evento mes, e cita lo tuma luga y lo tin entrevista virtual.

Cada expositor lo tin un Avatar den su stand cu ta representa e compañía. Esaki lo facilita interaccion

cu e buscado di trabou, cu por pidi cita y haya mas detalle di e vacaturanan. Material visual, video y otro tipo di informacion di cada stand lo juda pa atrae y orienta esnan cu ta interesa.

E feria lo habri dia 24 di September pa 9:00 am cu un sesión den Sala di Conferencia Virtual pa tur applicantenan y vendors. E discurso di apertura lo ta den encargo di Minister di Turismo y Labor, Sr. Wendrick Cicilia y CEO di Aruba Tourism Authority, Sra. Ronella Croes. E tema principal ta: "Empowering Aruba's Hospitality Future: Connecting Talent, Industry, and Opportunity".

E siguiente dia lo tin un panel cu ta trata e tópico: "The Do's and Don'ts of Job Interviews – and the Challenges of Hiring

Today's Talent".

Orario di e feria:

• Diaranzon y Diahuebs 24 y 25 di September: 10:00 AM – 5:00 PM

• Diabierna 26 di September: 9:00 AM – 4:00 PM (día habrí pa publico general sin cita, pero si lo mester registra, ya cu esaki lo sirbi como Curriculum Vitae digital di cada bishitante virtual. AFBA ta invita tur esnan cu ta busca un oportunidad nobo of un cambio pa participa desde e comodidad di su cas of den un di e salanan cu nos lo abilita pa atende cita. E luganan lo ser anuncia pronto via media y rednan social.

Pa mas información y registro: jobfairaruba.com.

Nos lo tin un Dia special di Registracion & Instruccion y esaki lo ta ia 10 di September na Hotel La Cabana Ballroom di 10:00 AM – 4:00 PM, specialmente pa esnan cu tin difikultad cu e App of ta husa e sistema virtual aki pa prome bez. Tur esnan cu registra te cu e fecha aki lo tin oportunidad pa gana premionan atractivo. Miriam Dabian CEO "Great things happen when passion meets purpose. Together, we can elevate Aruba's culinary excellence and create unforgettable experiences". Aruba Food & Beverage Association M: +297 6997427 E: m.dabian@arubafoodandbeverage.org



arubafoodandbeverage.org

AFBA ta un organizacion profesional distingui comprometi pa promove y avanza e industria di cuminda y bibida aki na Aruba. Sirviendo como un nexu pa networking, colaboracion, y defensa, nos asociacion ta uni empresa y individuonan den tur aspecto di e sector di cuminda y bibida na nos isla.

Emission di AFBA ta bai mas leu cu un simple promocion; nos ta activamente traha pa mehora e panorama culinario di Aruba. Sea defende politicanan favorable pa e industria, o facilitando iniciativanan educativo pa profesionalnan, AFBA ta dedica pa crea

comunidad y excelencia den nos industria. Uni stakeholders di restaurant, bar, café, hotel, tienda, y otro establecimentonan, pa logra eleva e reputacion culinario di Aruba tanto na nivel Local como Internacional.

Ademas di nos meta primario, AFBA ta sirbi como un vocero pa su miembronan, defende interesnan y asegura beneficianan colectivo cu pa empresanan individual por ta dificil pa logra riba nan mes. Cu e forza colectivo aki nos ta negocia cu agencianan Gubernamental, proveedornan, y otro stakeholder pa asina defende y atrae beneficianan pa nos asociadonan

Clasificados

SOLODIPUEBLO@GMAIL.COM

CEL. 585 9500

Parlamentario Endy Croes: SERAFINA DEN JET GERLIEN CROES DEN APENAS 120 DIA DI TRABOU E TIN 30 DIA DEN EXTERIOR

Parlamentario Endy Croes a cuestiona minister Gerlien Croes kende porcierto a konkista e apodo di Serafina den Jet. Gerlien Croes kende tin apenas 120 dia como Minister tin un total di 30 dia den exterior riba biahenan di trabou riba custia di pueblo.

Nos ta mira cu tin espacio pa reduci gastonan di Gobierno:

Partido Futuro den nan programa riba pagina 7 a splica kiko ta nan vision.

Den nan vision Futuro ta mira cu tin espacio pa reduci gastonan di gobierno. Esaki nan mes a skirbi den nan propio programa riba pagina 7.

Kiko ta nan accionnan pa logra esaki? Nos lo splica con Gerlien cu Geoffrey ta reduciendo gastonan di gobierno manera nan mes a priminti.

Futuro a cuminsa biaha rond mundo pa loco:

Gerlien cu Geoffrey a cuminsa biaha rond mundo pa loco. Asina nan ta interpreta reduccion di

gasto. Geoffrey recién tabata na Washington y despues un luna na Europa cual e ultimo nos a compronde cu e lo tabata cu vakantie. Pero Gerlien mientrastanto a biaha bay Hulanda den luna di juni ultimo pa reuni cu un Federacion di Baseball. Hulanda a manda cancela e reunionnan oficial cu gobierno Hulandes momento gobierno di Hulanda a cay pero toch Gerlien a sinti necesidad pa malgasta 45 mil florin biahando den Business Class pagando VIP room na airport Hulanda, paga hotel caro mas ‘daggeldvergoeding’ hunto cu Speed vocero di gobierno pa reuni cu un federacion. Estupendo! Nos no ta lubida con Speed a grita Gerlien na radio cu Marisol a bay Gerlien a bin y cu Gerlien ta pio cu Marisol. Accion di Gerlien ta pa laga hala Speed aden mesora y cu un biahe ta net locual Speed gusta. Despues Gerlien a sinti e necesidad pa bay Republica Dominicana pa apoya un yiu cu a bay hunga cu un team di baseball. Como Mama y/of mayornan nos ta compronde y ta

sostene esaki pa brinda ‘support’ na bo yiu. Pero e manera cu esaki a bay nos ta cuestiona. Gerlien a regla esaki di tal manera cu Gerlien lo ricibi un plakaat na Republica Dominicana pa asina e por yama esaki un ‘dienstreis’ y laga pueblo paga tur cos tanto biahe, hotel, daggeldvergoeding. Lamentablemente otro mayornan cu tame a bay no tabata tin e luho aki paso nan si mester a paga tur cos di nan propio saco. Gerlien a pisa tera despues y a sali mesora pa Paraguay y broma cu un logro cu Tele Aruba lo pasa e weganan di ‘Junior PanAm Championships’ na Asuncion Paraguay gratis. Pues e ‘streaming’ cu ya caba ta gratis el a logra pa Tele Aruba pasa esaki gratis. Locual a acapara nos atencion ta cu Gerlien gusta biaha. Kisas e tin hopi aña sin por a drenta merca y awor kier probecha. Serafina den Jet Gerlien Croes: Notable ta cu Gerlien den apenas 120 dia di trabou (4 luna) tin 30 dia (1 luna) den exterior riba custia di pueblo. Mientras Enseñansa ta roga pa ayudo awor cu aña escolar



ta bay inicia, mientras docentenan ta warda riba un decision politico pa cu e mehoracion di nan salaris, mientras e consejo ta cla y e placa te’y pa logra esaki, Gerlien ta sinti cu e prioridad pa biaha riba custia di pueblo ta prevalece y ta bay promer. Pa e rason di gusta biaha pornada Gerlien a gana e apodo “Serefina den Jet”. Nos ta spera cu Gerlien por keda Aruba awor y cuminsa traha di berdad pa sirbi interes general di pueblo promer cu su interes personal.

INTEROGACIONNAN DEN ‘CARET’ FINALISA

Awe den e investigacion penal di e tiroteo di 9 di februari 2025 den cual A.C. Lanoy di 19 aña a fayece pa motibo di un tiro di polis, e dos agentenan policial envolvi a bolbe wordo scucha como sospechoso. Despues di e interrogacionnan aki, e ultimo actividadnan di investigacion lo tuma lugar y e investigacion finalisa.

Ministerio Publico a anuncia anteriormente cu ambos agente policial lo wordo persigui penalmente. Nan lo wordo acusa di complicidad di homicidio.

Landsrecherche ta trahando actualmente na compilacion di e dossier final. Asina cu esaki keda cla, e lo wordo entrega na Ministerio Publico.

E asina yama ‘regiezitting’ den e caso ta programa pa diabierna 7 di november 2025. Durante e tratamiento aki den Corte, e abogadonan di e sospechosonan lo haya oportunidad pa presenta nan deseonan di investigacion. Corte lo dicidi siguiyemente cualnan lo keda admiti.

Tanto e abogadonan di e sospechosonan como e abogado di e famia di e victima fayeci a ser poni na haltura awe tocante e avance den e caso.

Pa motibo di e seriedad di e incidente den cual un joven a fayece, e investigacion aki a wordo trata cu prioridad dor di Landsrecherche.

Na mesun momento e falta di recurso durante hopi anja dor di falta di placa, ta causa cu otro investigacionnan andando a confronta tardanza.



Noticia di Corte

E team di defensa ta señala

UN BIAHA MAS DERECHO HUMANO

DI MIKE DE MEZA TA WORDO HALA

UN BANDA DEN CORTE

ORANJESTAD – E team di defensa di Mike de Meza no ta contento cu e decision di Hues. Nan a duna di conoce cu nan lo apela e sentencia.

SOLO DI PUEBLO por a compronde cu e team di defensa di Mike de Meza, a duna di conoce cu lo apela e sentencia pasobra nan ta haya cu un biaha mas, Corte ta pone e derecho humano di Mike de Meza un banda.

E team di defensa di Mike de Meza a manda un comunicado caminda nan ta muestra cu a cuminsa un caso sumario contra Ministerio Publico pa entre otro haya claridad riba e acusacionnan contra Mike de Meza y pa

Corte ordena Ministerio Publico pa duna e caso e importancia y e prioridad cu, mirando e circunstancia y e interes general, cu e ta merece.

A PONE DERECHO DI MIKE DE MEZA UN BANDA

E team di defensa no ta di acuerdo cu e decision di Corte, caminda Hues a bisa cu door di un caso similar a wordo declara no admisibel, awor aki Mike de Meza no tin ningun interes di urgencia mas pa haya un decision riba su peticion.

E team di defensa ta haya e decision di Hues incomprendibel door cu e demanda, no a wordo trata a base di su contenido. Ademá

e preguntanan legal no a wordo contesta debidamente.

E team di defensa ta haya cu no por bisa cu tin un proceso husto (behoorlijke strafrechtbedeling).

Na opinion di e team di defensa, un biaha mas e derechonnan, manera anca den tratadonan internacional di derecho humano di Mike de Meza y e interes general a wordo hala un banda. LO BOLBE APELA SENTENCIA

E team di defensa ta duna di conoci cu logicamente lo apela e decision incomprendibel aki na Hof di Corte Superior. E team di defensa a bolbe expresa cu si mester, lo hiba e caso dilanti Corte Europeo.

Minister Geoffrey Wever:

RAPPORT DI FINTECH PRESENTA NA

STAKEHOLDERS

Oranjestad, 15 di augustus 2025 – Despues cu diamars ultimo Minister di Finansa, Asunto Economico y Sector Primario, Geoffrey Wever, a ricibi e estudio final riba e riesgonan, obstaculonan y oportunidadnan di e sector di FINTECH pa Aruba y evaluacion di e impacto di “Blockchain Technology” y “Crypto Currency”. Diahuebs mainta den un sala completamente yen a presenta e rapport final na tur Stakeholders local. A termina esaki cu un session di Q&A pa esnan presente por a haci pregunta.

FINTECH ta tecnologianan innovativo y solucionnan digital cu por wordo aplica den e sector financiero pa haci servicionan financiero mas eficiente, accesibel y facil pa uza. Como meta di e maneho economico pa crea mas sectornan economico, minister Geoffrey Wever a financia e estudio aki realisa pa “United Nations Economic Commission for Latin America and the Caribbean” (UN ECLAC).

Pa por a complementa e estudio aki ECLAC a reuni diferente stakeholders riba nos isla manera Banco Central di Aruba, Camara di Comercio, ATIA, Setar N.V., Cybersecurity Center of Excellence, Insurance Association of Aruba, Aruba Bankers Association, Digicel, Directie Telecommunicatie Zaken, Qredits Aruba, Gamma IT como tambe diferente personanan clave cu ta forma parti di e sector di FINTECH.

Durante e presentacion stakeholders cu tabata presente a haya un bista di e posicion actual di Aruba pa cu e sector FINTECH. Kico ta e fortlesanan, e debilidatnan, e peligernan pero tambe e oportunidadnan pa por implementa tecnologianan innovativo y solucionnan digital nobo den e mundo comercial. Esaki ta un proyecto cu a inicia ya caba for di 2021.

“Digitalisacion, Blockchain y Crypto no ta cosnan di futuro mas pero cosnan actual,” Minister Wever a cuminsa ta bisa, “Ta importante pa como pais



nos sigui e desaroyonan aki di cerca y implementa esakinan unda cu por, pa asina como pais nos no keda para na banda y cay atras.”

Minister Geoffrey Wever ta gradici un biaha mas e delgacion di UN-ECLAC pa e estudio realisa y como tambe Departamento di Asuntonan Economico cu a guia e proceso. Awor cu e estudio ta finaliza y a wordo presenta lo evalua e feedback cu nos a ricibi for di Stakeholders y cuminsa traha riba e strategia di implementacion via Landspakket y ehecuta esaki pa asina na un manera concreto y regula implementa diversificacion di Aruba su economia.

Parlamentario Xiomara Maduro:

GOBIERNO AVP FUTURO TA TENE DURO NA MANEHO DI MEP



– Den oposicion, miembranan di AVP y di FUTURO largo bay tabata critica e maneho di e gobierno di MEP. Awor cu TUR dos partido ta den poder, Pueblo por mira cu AVP y FUTURO ta tene duro na e maneho cu MEP a hiba na bienestar di Aruba.

Si MEP a goberna Aruba “asina

malo” manera cu AVP y FUTURO a indica durante nan campaña electoral, e logica ta bisa cu e gobierno nobo ya caba mester a cuminsa bolter e decisionnan cu nan ta considera como negativo pa bienestar di Aruba.

Por ehempel, ya caba AVP FUTURO lo mester a cuminsa pa:

- traha deficit
- presta placa pa loco
- duna tur remedi di AZV bek
- kita BBO na frontera
- kita indexering di 11,7% di tur ambtenaar
- stop cu Landspakket
- stop restitutie di belasting
- duna Hulanda su 916 miyon florin bek
- hisa loonbelasting
- hisa prima AZV pa pensionado
- baha pensioen
- baha minimumloon
- hisa invoerrechten
- hisa winstbelasting



-hisa cobranza di awa y coriente
Etc etc.

Ora bo puntra bo mes, ta cual di e “mal decisionnan” aki di MEP ya caba AVP y FUTURO a bolter caba,

e contesta ta bira, NINGUN. Simpel bisa AVP y FUTURO a tuma TUR hende haci chambon y gaña cu MEP a traha malo, siendo cu keto bay nan ta tene duro na e maneho hiba pa MEP den gobernacion.

WEALTHY WISE WOMAN



Biblioteca Nacional Aruba a ricibi 2 ehemplar di e

buki nobo titula ‘Wealthy wise woman: in zeven stappen naar financiële rust en zekerheid’ skirbi pa sra. Sandra Boekhoudt.

Sandra Boekhoudt tin un mision di yuda hende muhe logra pa ta financieramente independiente.

Sandra Boekhoudt ta un especialista den Finance & Accounting, e ta casa y mama di dos yiu. Yiu di tera cu actualmente ta biba na Hulanda. Sra. Sandra a funda su compania ‘Wealthy Wise Women’ na

2015.

E buki ta un guia pa hende muhe yega na un bon maneho di su entrada / presupuesto, spaar placa, inverti, maneha debe y planifica su futuro a base di su condicionan y deseonan.

E buki ta skirbi na Hulandes y pronto lo ta den circulacion na biblioteca.

Un danki grandi na e escritora pa e bunita contribucion na biblioteca su coleccion di bukinan informativo.

Sandra Boekhoudt

**Wealthy
Wise
Woman**

**In 7 stappen naar financiële
rust en zekerheid**

Minister Rene Herdé: ACUERDO FIRMA TA CUADRA CU VISION DI GOBIERNO!




Oranjestad- Diaranson atardi minister Rene Herdé tabata presente durante e firmamento di acuerdo pa cooperacion entre SETAR Aruba y Saba Statia Cable System pa un sistema di fiber optico cu lo acelera e internet y ademas lo haci esaki uno na prijs accesibel pa e islanan. Minister Rene Herdé a

expresa di ta sumamente contento di por a experencia un compromiso asina importante entre e companianan pa crea un conexion ultra moderno entre Aruba, Corsou y Boneiro cu lo conecta nos despues cu Merca. Internet ta un parti esencial di nos dia ya cu

ta haci uzo di dje sea pa trabou of educacion. Sin duda, esaki ta un vision cu ta cuadra cu e vision cu Gabinete AVP- Futuro tin pa e desaroyo di Aruba. Un pais cu vision pa futuro y ta desaroya lihe cu oportunidad pa nos hendenan. Gobierno ta para tras di e proyecto.


CHAUFFEUR BURACHI DETENI DESPUES DI A CAUSA ACCIDENTE CU 2 PERSONA HERIDA NA ROTONDE AIRPORT, E KIER A BANDONA E SITIO!



Diahuebs anochi a drenta informe di un accidente di cadena cu hende herida na e rotonde airport biniendo for di Wayaca, mesora a dirigi tanto polis como ambulans na e sitio. Na

yegada di e patruya a bin compronde cu e chauffeur di un Honda biniendo cu velocidad halto a bay dal tras di un Honda CRV y a manda esaki bay dal tras di un Volkswagen,

ambos auto tabata para ta warda chens pa subi e rotonde. Despues di esaki e chauffeur cu a ocasiona e accidente aki a subi acera, pasa banda di e autonan cu ela dal y subi e rotonde di direccion prohibi pero como cu e auto tabata tin bastante sla e no por a sigi core y a yega te na e rotonde. Debi na e fuerte impacto aki 2 persona a resulta herida despues di e dobel impacto tras di nan auto y dilanti. Na yegada di e ambulans nan a atende 2



victima y a transporta nan pa hospital. Polis a detene e chauffeur di e Honda cu

a causa e accidente aki y a bay warda di polis cun'e.

Parlamentario Endy Croes:

DANKI DI CURASON NA MILITANCIA DI 1977

Augustus Scur 1977 a habri e porta na Hulanda

Parlamentario Endy Croes ta recorda Augustus 1977 den historia graba como “Augustus Scur” como e luna y e fecha cu e cende e mecha pa nos Status Aparte. Ta exactamente 48 aña pasa cu pueblo a uni y lanta den masa bringando pa su derecho y pa democracia reclamando y exigiendo su autonomia y Libertad pa para un inhusticia na e momentonan ey.

Kiko a pasa cu a conduci na e Welga General?

Betico Croes kende a funda MEP na Februari 1971 tabata liderando un lucha tenaz pa Aruba por sali di Antias y logra su Status Aparte. Den luna di Maart pa ta exacto 25 di Maart 1977 Aruba a pasa den un referendum unda 83% a vota pro Status Aparte (Independencia) vociferando e deseo di pueblo hopi cla mientras cu Henny Eman e fecha aki a manda votadornan di AVP pa bay lama y percura pa nan no bay vota. Asina hopi Henny y Mike Eman ta stima Aruba. Dia 17 di Juni 1977 tabata tin eleccion di Staten unda MEP a gana cu mayoria abrumador logrando 5 di e 8 asientonan total y pues 63% di e mandato electoral. Cuiyoyo bisa un mandato cla pa sigui lucha pa nos Status Aparte.

Lamentablemente Formador pa e gobierno Central di Antias e tempo aya Boy Rozendal a maniobra di tal forma pa laga e partido mas grandi cu a gana eleccion pafo di gobierno Antiano consecuentemente no a respeta e decision di electorado di Aruba. PPA den minoria a traciona Aruba y a ‘join’ cu Corsou drentando gobierno Antiano.

Esaki a causa Ola di protestanan:

Betico Croes a vocifera cu lo informa mundo henter di e inhusticia aki. Alabes Betico den su discurso a pidi pueblo y a haci apelacion riba tur instancia, gremionan, sindicatonan na Aruba pa ban uni, ban marcha y ban move tabata su palabranan: “E derecho democratico na e momentonan aki ta wordo atrapa”. Dia 15 di Juli sindicatonan UNI di Aruba a cuminsa delibera. Sindicatonan Uni hunto cu Comercio y Clero ta di opinion cu MEP cu un mandato cla no por ser exclui for di Gobierno Central. Mesora a manda telegram pa Hulanda, Nacionnan Uni y otro instancianan internacional pero no a bin reaccion. Betico a vocifera cu entrante dlanan dilanti accionnan lo inicia y lo keda escala cual por desemboca te hasta den independencia di Aruba. Esaki a causa tambe cu a inicia olanan di

protesta den tur skina rond di Aruba momento PPA a drenta Gobierno Central lagando MEP e partido mas grandi completamente afor.

/// Sindicalistanan encarcela:

E situacion a keda escala y dia 10 di Augustus 1977 sindicatonan den Union a proclama welga general mientras sindicato di WEB a informa gobierno cu lo bay over na kita coriente cual lo trece problema den suministro di awa. Pero cos a bira pior momento Presidente di sindicato di IOWUA Chinto Geerman y Juan Yarzagaray mesun dia aki a wordo deteni pa polis. Esaki pa motibo cu nan a reparti un dia anterior (9 Augustus 1977) un pamfleta cu un contenido pisa entretro cu e palabranan cu “ Paz y Trankilidad lo wordo suspendi riba e isla aki ”.

/// Reunion urgente na Centro di Barrio Noord: Mesun anochi di 10 di Augustus 1977 a yama un reunion di urgencia cual a tuma lugar na Centro di Barrio Noord bou liderazgo di Betico. A tuma decision cu lo bay warda di Polis na playa pa exige Libertad di Chinto Geerman y Juan Yarzagaray. E multitud tabata furioso y tabata piedra e warda di Polis (awe eynan ta Hotel Renaissance) na un manera formal. Betico strategicamente tabata tin control di e masa kendenan tabata furioso. Despues a move bay manifesta dilanti cas di Hoofd Officier van Justitie Arps. Betico a drenta reunion maratonico na bestuurskantoor cu Hoofd Officier Arps y sindicatonan pero esey no a duna resultado.

/// Aruba den scuridad total 11 Augustus 1977: Aruba tabata scur scur momento cu WEB tambe a cay y Aruba bay plat. Aruba a wordo isola como cu no tabata tin comunicacion mas via telex y avionnan di ALM no por a baha. Asina mes laat den anochi cu aeropuerto sin luz PPA den coordinacion cu Gobierno Central a laga un ALM baha den scuridad yena cu Riot Comando di Corsou bou guia di Castillejo Cova a bin marcha den cayanan di Oranjestad enfrentando nos hendenan humilde kendenan tabata den un lucha sagrado.

/// Bala cayente a cay y a drenta cas di mayornan di Betico na Sta Cruz:

Riot Comando furioso a basha bala cayente di carabina riba pueblo. A tira riba e jeep cora di betico y bala a perfora pia di Gos Oduber mientras Riot Comando a basha bala formalmente riba volkswagen di Domi Tromp



(dfm) cu 2 amigo mas den auto kendenan milagrosamente a skapa e tempo aya. Riot Comando a drenta cas (hogar) di Panchico y Mimita (dfm) na Sta Cruz unda e busto di Betico ta awe abusando di nan poder sin por a haña nada cu kisas nan tabata buscando entre otro arma.

E disturbio aki a habri orea di Hulanda y a cende e mecha:

Tur e sucesonan aki a habri oido di Hulanda. Nel Oduber y Roland Lacle a biaha mesora pa Hulanda pa cuminsa cu e tramitenan pa reunionnan cu Hulanda. Dia 19 di Augustus 1977 Gobierno a ricibi un telegram di Joop den Uyl Promer Minister di Hulanda cu Gobierno Hulandes lo ricibi un delegacion di Aruba pa cuminsa papia riba futuro estatal di Aruba. Betico a encabesa un delegacion amplio den union cu sindicatonan y comercio pa un reunion cu a tuma lugar 3 y 4 di September 1977 na Den Haag.

Parlamentario Endy Croes den nomber di partido Movimiento Electoral di Pueblo ta gradici henter pueblo, nos homber y muhernan balente kendenan a para firme durante accionnan di Augustus Scur na 1977 cual porcierto a habri e caminda pa deliberacionnan cu Hulanda cual a conclui na e gran logro estatal esta nos Status Aparte cu a wordo proclama 12 di maart 1983 durante reunion di conferencia di Mesa Rondo. Betico a proclama e lucha semper como un lucha unda a derama Sanger Sodor y Lagrimas. Laga nos tene historia bibo y traspa esaki di generacion pa generacion pa nos yiunan y yiu di nos yiunan.

UN PASO HISTORICO PA DERECHO DI TRANSGENERO NA ARUBA

Corte di prome instancia di Aruba a tuma un decision historico: un homber transgenero, naci na Aruba, a haya e derecho pa cambia su sexo den acta di nacemento di femenino pa masculino.

Esaki ta mas cu un noticia legal, esaki ta un momento historico pa derecho humano riba nos isla.

Corte a reconoce cu, di acuerdo cu tratado Europeo di derecho humano (cu ta aplica pa Aruba tambe), un persona transgenero mester por tin su identidad di genero respeta den su documentonan oficial.

Parti importante di e veredicto E hues a ordena e Ambtenar di Registro Civil pa agrega na e acta di nacemento di e persona transgenero un anotacion posterior cu ta indica cu e genero a wordo cambia di “femenino” pa “masculino.”

Con comun esaki ta?

Aunke cu Aruba no tin cifra oficial, investigacion internacional ta muestra cu solamente entre 0.3% y 0.5% di e poblacion ta identifica como transgenero. Pa un isla manera Aruba, esaki ta nifica un cantidad relativamente chikito di hende. No ta un cos cu lo afecta e poblacion, pero pa e poco hende cu ta identifica nan mes asina, e ta un cambio importante pa nan propio bida, salud y seguridad.

Kiko ta transgenero?

Ta un transgenero ta nifica cu e identidad di genero di un persona (pues e manera e ta sinti su mes, homber, muher, of otro) no ta

coresponde cu e sexo cu a nace cu ne.

E terminologia medico ta gender dysphoria y legalmente esaki ta traduci su mes cu e documentonan oficial no ta coresponde cu ken e persona ta realmente.

Transicion di un genero pa otro por inclui:

- Social: ora ta usa un number di preferencia nobo, y por cambia apariencia.

- Medico: consultacion cu psicologo, dokter y, si ta nesesario, tratamiento medico.

- Legal: cambio den documentonan oficial pa coresponde cu su identidad real.

E proceso legal y medico

Na Aruba, prome cu e corte por tuma un decision pa cambia e sexo den un documento, e persona mester presenta declaracion di profesional medico cu ta confirma su identidad di genero y cu e ta algo permanente.

Solamente despues di e proceso cuidadoso aki, y cu apoyo di profesional, e hues por tuma un decision. Esaki ta segura cu e decision ta basa riba evaluacion serio y no riba impulso.

2

Locual ta hopi remarcabel y positivo pa derecho di transgenero ta cu corte no ta exihi pa e persona ya a completa su transformacion fisico caba. Si e persona ta haci un transformacion fisico of no, ta keda na e mes pa dicidi, y esaki no ta relevante pa e cambio di genero riba su acta di nacemento.



ORGUYO

Con un Hues por cambia loke un Doktor a constata na nacemento?

Ora un baby ta nace, e personal medico ta registra e sexo visible, masculino of femenino, riba e acto di nacemento. Esaki ta basa riba apariencia exterior, y no riba identidad di genero cu e persona lo constata unabes e ta di mas edad. Pa persona transgenero, su identidad di genero real por ta diferente di locual a wordo registra na nacemento.

Y despues, cu evidencia medico solido di especialista cu ta confirma cu su identidad di genero ta real y permanente, e corte por ordena un corecion of adaptacion di e registro di nacemento.

Esaki no ta nifica cu e doctor a “Haci un Fout” na e momento di nacemento pero simplemente cu awor tin informacion mas valido y completo di ken e persona realmente ta. Y ley ta duna posibilidad

pa refleha esaki den documentonan oficial.

Con esaki ta afecta otro hende?

E no ta afecta ningun persona. E veredicto aki ta aplica solamente na e persona cu a pasa tur e proceso. Awor esaki ta simplemente segura cu su documento ta coresponde cu su

realidad, pa e por

biba un bida cu dignidad y seguridad.

Respetando privacidad

Pa respeta e individuo involvi, nos ta pidi pa no comparti ningun detaye personal. Nos ta pidi na comunidad pa concentra riba e importancia di e decision, y no pa trata di identifica e persona. Tur persona transgenero merece e derecho pa biba autenticamente sin miedo di wordo “outed” sin nan permiso.

Pa kiko esaki ta momento importante

Pa e persona transgenero tin documento cu ta refleha ken e persona realmente ta, ta di suma importancia pa mantene su dignidad, seguridad y igualdad. E veredicto aki ta pone un precedente importante na Aruba y ta pone nos ley na nivel standard internacional di derecho humano.

Esaki ta un avance pa e derecho pa wordo reconoci manera bo ta realmente.

Laga nos celebra progreso mientras cu nos sigui traha pa un sociedad basa riba respet, igualdad y amor.

Fundacion Orguyo Aruba

Info@orguyo.org

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



ARUBA ONE HAPPY ISLAND LIONS CLUB CU CAMPAÑA DI RECAUDA FONDO PA BACK TO SCHOOL 2025-2026



Un invitacion pa comunidad y comercio yuda nos muchanan cu tin mester Aruba One Happy Island Lions Club a wordo acerca un biaha mas pa diferente famianan den necesidad, como tambe maestranan di diferente scol, pa nos por duna un man na alumnonan cu tin mester di tas, uniform y articulonnan escolar.

Nos muchanan ta futuro di nos pais y cada mucha mester tin e tranquilidad y cu nan tin e articulonnan escolar pa nan por studia

den un ambiente sano y sin preocupacion. Nos organisacion ta haci un apelacion na nos comunidad y comercio pa ban duna un man y yuda nos muchanan pa nan tin nan articulonnan pa scol.

Un y tur por yuda door di haci un donacion riba e cuenta di banco di Fundacion Aruba One Happy Island Lions Club, Aruba Bank nr 6005880190 cu e descripcion Back2School 2025-2026. Ademas den fin di siman nos miembronan lo ta na Pricesmart pa ricibi



donacion di comunidad. Tur donacion ta yuda di chikito te grandi. Cu e donacion ricibi nos organisacion lo prepara

tasnan di scol, cu uniform y articulonnan escolar y e muchanan lo ricibi esakinan prome cu scol inicia. Bo gesto y

contribucion ta haci soño di un mucha realidad. Contribucion di cada uno ta wordo aprecia.

NA CHRISTIAANSTRAAT PERSONA DI EDAD A CAY Y TA INCONCIENTE

Diahuebs mainta a drenta informe di cu un persona di edad a cay y ta inconciente na Christiaanstraat, mesora a dirigi un ambulans na e sitio.


Na yegada di e ambulans nan a atende e victima y manera ela bin bij nan a transporte pa hospital.



CENTRO DI BARIO NOORD—ANFITRION DI CHARLA

“DIA MUNDIAL DI ASISTENCIA HUMANITARIO”

CU IOM ARUBA



NOORD – Na honor di Dia Mundial di Humanitario, e Centro di Bario di Noord ta orguyoso di anuncia un charla publico special diseña pa trece e comunidad mas cerca di un di e organisacionnan humanitario mas vital na mundo — e Organizacion Internacional pa Migracion (IOM).

E evento, titula “Cera Conoci cu IOM Aruba,” lo tuma lugar diamars 19 di augustus 2025, di 7:00 PM pa 9:00 PM na Centro di Bario Noord. E

orado destaca di e anochi lo ta Sra. Alena Bisslik, Representante di IOM Aruba, kende lo comparti un bista valioso riba e mision, programa y impacto di e organisacion—tanto globalmente como localmente. Tocante IOM – Un Lider Mundial den Asistencia Humanitario E Organizacion Internacional pa Migracion ta un instancia relaciona cu Nacionnan Uni cu ta na vanguardia di esfuersonan humanitario for di su fundacion na 1951. Cu un

presencia den mas cu 100 pais, IOM ta traha pa garantiza e migracion sigur, ordena y digno di hende rond mundo. Nan trabou ta abarca for di alivio humanitario di emergencia te na programanan di integracion a largo plaso, yudando individuonan desplasa, migrantenan y comunidadnan afecta pa crisis. Na Aruba, IOM a keda activamente involvi den brinda sosten y servicjonan crucial na migrantenan y poblacionnan vulnerabel.

Nan programanan local ta enfoca riba proteccion, yudansa humanitario, sosten di integracion, y iniciativanan di edificio di capacidad—sempre guiya pa e principionan di dignidad, seguridad y respet pa derechonan humano.

Un Anochi di Siñamento y Conexion

E charla lo ofrece un oportunidad pa siña tocante e trabou di IOM Aruba, for di contesta di emergencia te na proyectonan colaborativo di comunidad. Sra. Bisslik lo destaca iniciativanan andando riba e isla, comparti historianan personal for di e tereno, y splica con IOM ta partner ku

organisacionnan local y instancianan gubernamental pa atende retonan humanitario.

“Dia Mundial Humanitario no ta solamente un momento pa honra e dedicacion di esnan cu ta sirbi comunidadnan den crisis pero tambe un momento pa conscientisa riba e necesidadnan y e solucionnan cu por trece speransa y cambio,” programa leidster, Ligia Croes a duna di conoce. “Dor di organisa e evento aki, nos kier inspira compromiso di centro y profundisa e importancia di e trabou humanitario.”

Un Invitacion pa

Comunidad

Centro di Bario Noord ta extende un caluroso invitacion na tur habitante, estudiante, educador, lidernan di comunidad, y cualkier persona interesa den esfuersonan humanitario pa asisti na e sesion importante aki. Sea bo ta curioso tocante operacionnan humanitario mundial of ansioso

pa descubri con bo por envolve bo mes localmente, e evento aki lo prove’e perspectivanan valioso y informacion accionabel.

Detayenan di Evento:

Fecha: Diamars, 19 di augustus 2025

Orario: 7:00 PM – 9:00 PM

Luga: Centro di Bario Noord

Orador: Sra. Alena Bisslik, Representante di IOM Aruba

Danki special ta bay pa CEDE Aruba y proyecto Bario Unico. Pa mas informacion por tuma contacto via WhatsApp na +297 568 2935.

Tocante Centro di Bario Noord

E Centro di Bario di Noord ta dedica na fomenta compromiso, siñamento y empoderamento di comunidad a traves di un variedad di programa, evento y servicio cu ta conecta ciudadanonan y promove bienestar social.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Archivo Nacional pronto lo haya edificio nobo

Compleho moderno lo bay acomoda

Archivo Nacional di Aruba



Director di Archivo Nacional Aruba (ANA), drs. Raymond Hernandez a comparti su trayectoria di trinta aña den funcion, mesun trinta aña di existencia cu Archivo Nacional. Archivo Nacional ta mas cu un deposito di papel y documento; e ta un cuidado di nos herencia, un centro di investigacion, y un punto di referencia pa tur cu ta kere den balor di nos historia.

Pa algun tempo caba ta buscando un sitio adecua y na caminda a haya diferente proyecto cu potencial pero na final debi na fondo of localidad, ta bay destina na otro departamento, a pone cu no a logra haya algo definitivo.


Na 2004 Archivo Nacional a muda caminda e ta situa awo pero mester a haci expansion pa por aloca tur material historico. Director drs. Raymond Hernandez su deseo semper tabata pa yega na un localidad cu ta cumpli cu tur requisito necesario pa acapara tur locual cu Archivo

Nacional ta trece cu ne, entre otro documentonan historico cu tin mester di preservacion den un clima controla.

Un luga cu por ta isola, caminda cu e elementonan di clima manera temperatura, humedad y luzn no por causa daño. Ta ideal si lo por incorpora e mesun sistema cu esun Hulandes, caminda a adapta/modifica container cu temperatura regula pa asina archiva tipo di documentonan di manera adecua.

E intencion di un localidad nobo ta pa por separa tur locual ta e material di archivo manera documento, video, potret etc, den nan mes un espacio y segun temperatura adecua.

Awo na 2025, porfin ta mira luz na horizonte cu e proyecto impresionante di restauracion di tankinan di awa monumental na Kibaima como parti di un compleho moderno cu lo bay acomoda e Archivo Nacional di Aruba. Esaki ta algo historico y un logro



grandi pa preservacion di Aruba su historia.

Director Hernandez a indica tambe riba e construccion ideal di e tankinan di Kibaima, cu

ta para riba su pianan pa casi shen aña caba, cu ta duna e impresion di con solido e structuranan aki ta. Comunidad semper tabatin e impresion cu ta

trata di dos tanki, pero en realidad ta cuater tanki total cu lo bay pasa den e proceso di restauracion pa asina acomoda Archivo Nacional Aruba aden.

ENTRENADOR DI IQFOIL TA CONTA UN POCO TOCANTE E PREPERACIONNAN PA ASU2025



Durante e ultimo training previo na e competencia oficial di Windsurf Olimpico iQFoil, entrenador di Kaj y Zara Rozeboom y den pasado atleta di #TeamARU, Malik Hoveling ta conta un poco di e sensacion di bay di atletapa entrenador y con e proceso di preparacion pa ASU2025 ta. Malik a logra gana medaya pa Aruba den e Ciclo Olimpico anterior, cu e utlimo na Weganan Centro Americano y

Del Caribe di Mar y Playa” na Santa Marta-Colombia den 2023, pues e conoce e deporte di cerca y tin tempo ya como entrenador ta


gana experiencia y yuda hobennan crece den e deporte. Scucha Malik conta mas di tur cos den e entrevista breve aki. #TEAMARU







Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - August 15, 2025

 Sorteo # 4712 1206 7421 4848  FP  Sorteo # 4712 7789  X2  Sorteo # 2768 5234  Sorteo # 4712 9668 Libra  Sorteo # 1586 370  FP	<table><tr><td> Sorteo # 0 x Jackpot 0 x Match 4+ 0 x Match 4 0 x Afl. 12,00 </td><td>Joker Letter Proximo Jackpot 400.000,-</td></tr><tr><td> Sorteo # 0 x Jackpot 0 x Match 4 0 x Afl. 8,00 </td><td>Proximo Jackpot 53.000,-</td></tr><tr><td> Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 </td><td>Mega Ball Proximo Jackpot 450.000,-</td></tr><tr><td> Afl. 675.000,- </td><td></td></tr><tr><td> Sorteo # </td><td></td></tr></table>	 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 400.000,-	 Sorteo # 0 x Jackpot 0 x Match 4 0 x Afl. 8,00	Proximo Jackpot 53.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 450.000,-	 Afl. 675.000,-		 Sorteo #	
 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 400.000,-										
 Sorteo # 0 x Jackpot 0 x Match 4 0 x Afl. 8,00	Proximo Jackpot 53.000,-										
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 450.000,-										
 Afl. 675.000,-											
 Sorteo #											

AVENTURA NA GRANEL!



Biblioteca Nacional Aruba ta anuncia cu e tema pa e Festival di Buki pa Mucha 2025 ta 'Aventura na granel!'. Lesa un buki semper ta manera pasa den aventura. Di lama bruto pa paisnan magico, un secreto grandi of un misterio yen di suspensio! Semper tin aventura

den cada buki di mucha. Den e Festival di Buki pa Mucha 2025 muchanan lo experiencia storianan yena cu puro aventura. Biblioteca ta invita tur mucha pa ta aventurero y descubri mas storia y buki. Meta di e Festival di Buki pa Mucha ta pa

entusiasma mas mucha pa lesa buki. Biblioteca ta ofrece miembrecia gratis pa baby, mucha y hoben bou 18 aña. Esaki ta habri un mundo di buki, storia y informacion den diferente forma, tambe Ebooks y audiobooks. Miles di buki ta warda nan!

E COSECHA SILENCIOSO

E cosecha ta wordo sembra, amarga? Cu sinceridad of cherche Locual bo planta cu suerte Bo ta piki tardi of tempran Macho of hembra Berde of hecho, keto Sin sa bo derecho Sin sa bo rais Man den man Tin orguyo na pecho Ketobay buscando Su mes den un otro Ketobay den su mundo Yena di biento su boroto Zonidonan y gritonan Carga den silencio Bashi yena di nada Pero cu gana Pa ta liber den su alma Buscando e calma Cu tin cu hiba nos Na e crusada total Cubri cu mas dolor Buscando e alegria Cu ta den bo mes Cu ingredientenan robes Si bo alma, mente y Curason no ta uni cu bo cabes, pendiente Riba un frecuencia aleha Busca e manera di aserca Busca e amor den e manera Di sinti, E pasion di Christo.
Ruthy" Lady Ruth"

Obituario

Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera
Gradicimento y invitashon pa misa pa 3 dia AFI 250,00


Pakete 2: Anuncio di fayecimento te dia cu e defunto ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na
585-9500 of na 741-4554

GRADICIMENTO Y INVITACION
Nos ta gradici famia y amigonan cu a sostene nos den e momentonan mas dificil na ora di morto inespera di nos ser keri.

Victor Manuel Giel
Mihor conoci como "Toy"



Danki na tur hende cu a manda message, yama of pasa na cas e ultimo dianan. Tambe na esnan cu tabata presente na e despedida.

Alaves nos ta invita pa un misa na misa di Sta Anna,
Diasabra 16-08-2025 pa 7.00 or di anochi.

Despues di ultimo misa lo tin un rosario na cas.

Don't think of him as gone away- his journey's just begun, life holds so many facets-this earth is only one . . . Just think of him as resting from the sorrows and the tears in a place of warmth and comfort, where there are no days and years.

Think how he must be wishing that we could know today how nothing but our sadness can really pass away.

And think of him as living in the hearts of those he touched. . . for nothing loved is ever lost-and he was loved so much.

ABORTO TA UN CRIMEN Y E TA CONDENABEL PA FIERNO

Na e hende muhernan cu ta haci aborto, bosonan no sa cu aborto ta un acto di crimen?

Bida di un ser humano ta cuminsa na cuminsamento di concepcion y un baby no naci ainda, ta un ser humano. Den Bijbel Salmo 51: 5, Rey David ta bisa: “Mira, den culpa mi a nace, pecador mi mama a concebi mi.” Akinan Rey David no a bisa, cu ta un fetus of un embrion a nace y a concebi, pero akinan Rey David a papia pa medio di inspiracion di Spirito Santo, cu el a wordo concebi como un ser humano. Ken tabata den e seno di e mama? David ! Un persona bibo. Den Bijbel Dios Tata ta papia cu profeta Yermias, Bijbel Yermias 1: 5 : “Prome cu Mi a forma bo den seno di bo mama, ya Mi tabata conoce bo prome cu bo a nace, ya Mi a consagra bo y Mi a destina bo como Profeta pa e nacionnan.” Akinan nos mester compronde, cu Dios Tata ta mira un fetus, un embrion of un baby no naci manera un persona.

Den Bijbel Exodo 23 : 7, Dios Tata ta bisa: “Aleha boso di tur mentira. Lo bo no mata un inocente y ningun husto, pasobra Mi lo no pordona e culpabel.” Akinan nos por compronde cu Dios no ta pordona esnan cu ta comete aborto, pasobra e ta un crimen grandi di un criatura inofenso, cu no por defende su mes di e morto horibel.

Den Bijbel Mateo 5: 21, Cristo Hesus ta bisa : “Boso a tende cu ta bisa boso antepasadonan, lo bo no mata. Esun cu mata lo ta culpabel dilanti di e husticia di Dios.” Den realidad aborto ta un crimen, pa esnan cu ta mata e fetus y e embrion den e seno di e mama. Dios ta duna e fetus y e embrion un alma spiritual y un destino den su bida. E bida humano mester ser respeta y protehi den un manera absoluto desde di e momento di concepcion. Desde di e prome momento di su existencia, e ser existente den e seno materna, mester tin e derecho inviolabel pa biba. Nos mester compronde, cu Dios ta Senjor di bida y ta confia tur ser humano e mision di conserva e bida cu hopi cuidao desde di su concepcion. Den Bijbel Proverbionan 6 : 16 – 17, Profeta Salomon ta bisa: “E seis actonan cu Dios ta odia y e siete actonan cu Dios ta maldiciona : Wowonan soberbia, lenganan mentiroso y mannan cu ta derama sanger inocente.” Den Bijbel Deuteronomio 27 : 25:

“Maldiciona ta esun cu ta acepta plaka pa mata un inocente. Y tur pueblo ta bisa: Amen!” Den e Evangelio aki, Dios Tata ta condena tur e dokternan, na tur esnan cu ta haci aborto y na tur esnan cu ta complice di un aborto. Mi ta haci bo un pregunta hopi importante, lo bo ta dispuesto di sufri y muri, mientras cu algun hende ta pone bo den un haula pa bo no sali y literalmente nan ta kita bo brasanan y bo pianan for di bo curpa y bo sanger lo derama y lo bo grita di morto.

Awel, asina aborto ta, na unda e fetus, e embrion of e baby no naci cu ya nan tin un alma y un destino di Dios, pero nan ta wordo ranka for di otro den sufrimento, sin duna e criatura e derecho pa biba. Si Dios ta laga un baby bin na mundo, anto Dios tin un bunita plan y destino pa e criatura. Mama Maria tambe den Su hubentud nunca no por a pensa, cu un dia lo E duna lus y bira mama di E salvador di mundo. Nos mester compronde, cu comete un aborto di un criatura no naci, ta un stop di Dios Su plan. Tin biaha Dios Su plan y Su destino ta, pa nos por bira den futuro, pastoor, obispo, soeur, cooperador pastoral, un Santo, un Profeta, un predicador, tata y mama cristian, hendenan cristian, discipelnan di Dios, Angelnan humano etc. etc. Nos mester compronde bon, cu ta e diabel mes ta tenta e muhernan pa comete aborto, pa stop Dios Su plan. E actonan di aborto, ta un pika grandi y condenabel pa fierno.

Les a Bijbel Revelacion 21 : 6-8, Apostel Huan: “Y despues Hesus a bisa mi: Ta cumpli, Mi ta Alfa y Omega, e Principio y e Fin. Esun cu tin sed, lo Mi dune pornada di bebe di e fuente di awa di bida. Esun cu triunfa, lo hereda esaki y lo Mi ta Su Dios y e’l lo ta Mi yiu.

Ma e cobardenan, e infielnan, e perversonan, e matadornan di hende, e paranderonan, e hacidornan di bruha, e fornicadornan, e sirbidornan di diosnan falso y tur e sakadornan di mentira, nan lugar lo ta den e tanki di candela y di azufre. Esaki ta e di dos morto.”

Skirbi pa Seferino Tromp
Un mensahero di Dios.


SUDOKU

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		5	3					
8							2	
	7			1		5		
4					5	3		
	1			7				6
		3	2				8	
	6		5					9
		4					3	
					9	7		

FORD FIGO A BAY DAL BASTA FUERTE TRAS DI UN FORTHINE FRIDAY DILANTI BON TIRES NA PONTON



Diahuebs atardi laat a drenta informe di un accidente cu hende herida dilanti Bon Tires na Ponton, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda un

chauffeur di un Ford Figo no a regula su velocidad ni a mantene distancia a bay dal tras di un Forthine Friday. E impacto tabata basta duro y debi na e impacto e airbag a deploy y 2 hende a resulta herida. Na yegada di e ambulans nan a atende e victimanan.

Gradicimento/Invitacion

Famia ta gradici den nomber di su casa Jacky y yiu nan Gregory y Rigo, nieta, Amelia, ruman nan y demas famia tur amistad, amigo nan, y conocir nan cu di un of otro manera a contribui y a duna sosten durante enfermedad, fayecimento y despedida di nos defunto stima



Gregorio Ramiro Creeze

Un danki na pastor Jairo Maduro, Sra. Lola Geerman di Wilhelmina KankerFonds, Dr. Franca, Dr. Waterloo, Dr. Vis, Dr. Nuboer, oncologo nan y tur enfermero nan di Horacio Oduber Hospital, especialmente di piso A4.

Un danki special na su trahadornan di Urataka Center y tambe na tur esnan cu a hasi donacion na Wilhelmina Kankerfonds, pa tur e bishita nan, mesahe nan, Facebook messages, Whatsapp messages, carchi nan di condolencia, areglonan di krans, na Aurora Funeral Home, especialmente na Judith y staff pa e bon servicio y atencion cu nos a recibi.

Alabes nos kier a invita famia y conocir nan pa 1 Santo Sacrificio di Misa pa descansa di alma pa nos defunto stima cu lo tuma lugar na Misa Inmaculata Concepcion Santa Cruz

Diasabra 16 di Augustus 2025 pa 7:00 PM

Famia ta gradici di curazon

Clasificados


SOLODIPUEBLO@GMAIL.COM

CEL.585 9500

FORTALEZA PA FAMIA

Scirbi pa Pastor Marcel Balootje.

TEMPO POR CAMBIA, HENDE POR CAMBIA,PERO DIOS SI NO TA CAMBIA



Locual Dios a bisa, locual Dios a traha, locual Dios a establece ningun hende no por cambia, y esey ta locual diabel a purba haci for di principio, esey ta di ganja hende pa nan desvia for di locual ta autentico di Dios y kere mentira di diabel.

Locual Dios ta bisa cu no por, diabel ta bisa cu si por, pero nada cu Dios a establece diabel no por cambie, y e ta busca esnan cu ta kere su mentira pa asina e por domina nan mente.

Pero awor nos a drenta tempo trabahoso, un tempo caminda no tin temor di Dios, caminda maldad y inmoralidad a aumenta, y hende ta apoya locual ta contra palabra di Dios.



E enemigo ta purba tur manera pa pone hende contra hende, pa trece discordia den famia y division den sociedad, pa trece duda y confusion tur caminda, pa hende biba manera nan kier y no biba segun e voluntad di Dios.

Kico tur hende mester haci awor aki?

Entrega bo bida na Dios di henter bo curason y biba segun su palabra.

Tene duro na voluntad di Dios y permanece den voluntad di Dios.

Haci tur locual ta posibel pa bo yuinan lanta cu e palabra di Dios, pasobra e enemigo ta loer.

Pordona y drecha asunto cu otro, pasobra esun cu no ta pordona su ruman Dios tampoco lo pordona.

Para firme den bo oracion, pasobra nos lucha no ta contra carni y sanger.

Bisti bo armadura completo Efesiona 6 :10-17, pa bo por para firme.

Abstene di tur forma di maldad.(1 Thesalonisensenan 5:22).

Busca santificacion

pasobra esey ta boluntad di Dios, y abstene di inmoralidad sexual.

Gara na Cristo Hesus , pasobra nos adversario e diabel ta cana rond buscando ken e por devora.

Pordona, si pordona, hiba e palabra di Dios tur caminda, pasobra e binida di nos Senyor ta cerca.

Para firme pa den e palabra di Dios, ni maske cuanto ley por cambia y perversidad wordo aproba.

Mundo ta bao di control di e maligno, pero esun cu kere y perservera te na

final esey lo ta salba.

No discuti, tampoco discrimina, pasobra caminda tin division, evangelisacion ta bira dificil, y esey ta locual e enemigo kier logra, pa e comunicacion wordo kibra.

Pasobra lo bo hanja cu den un cas, esun cu ta contra e palabra di Dios, no ta comunica, cu esun cu stima e palabra di Dios.

Lo bay bini division entre coleganan di trabao, hende lo kibra amistad cu otro, hende lo perhudica pa motibo di e palabra di Dios.

No lubida locual Cristo Hesus a sinja nos tur bisando: Stima Dios, cu henter bo curason, cu henter bo alma y cu tur bo ser. Y stima bo prohimo manera no mes.

E diabel no ta stima e a bini pa solamente, pa horta, pa mata y pa destrui, y tur locual e a hanja pa devora e lo devora.

Ta parece manera hende ta lubida kico Hesus a splica den Mateo 13:37-43.

Y hende no kier tene cuenta locual ta para scirbi den Romanonan 1:18-32, pero laga nos pone bon tino riba versiculo 28 te cu 32.

Awor tur hende sa kico ta na caminda pa e mundo aki segun den 2 Pedro 3:7 y con nos conducta mester ta den 2 Pedro 3:11-14.

Hende por cambia tur cos na tera, pero esey no ta nifica cu e ta wordo cambia den cielo, pasobra locual no ta boluntad di Dios, no ta wordo acepta na cielo, pasobra Dios no ta cambia, e ta mesun Dios.

Oracion di dia

Un feliz dia bendiciona yena cu gracia di Dios

"Lo Bo ta sacerdote pa semper na e mesun manera cu Melkisedec."
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion:Hesus mare nos tur por reconoce cu Abo ta nos Rey di Husticia y acerca Bo curason misericordioso pa nos salvacion.
Amen